

咱台灣細罔細，趣味的代誌原仔 (uân-á) 真濟，像阮阿母食到七老八老，tsit-má 嘛恰人時行咧讀大學，毋閣人伊這是坐直升機保送--的噢！因為阮阿母定定 (tiānn-x) 講伊國民學校讀六冬，也毋捌 (bat) 人一塊屎畚仔枋 (sái-hák-á-pang)，莫 (mài) 講大學--啦，就算講彼號拄仔 (tú-á) 開始咧教ABC的中學，用錢倩 (tshiànn) 伊來讀，伊仙嘛毋敢。但是，人伊tsit-má 逐 (tāk) 工都歡歡喜喜欲『上學去』。你看，阮兜灶跤櫥仔頂遐 (hia) 的健康牌沙拉油，恰浴間內底遐 (hia) 的茶箍 (tê-khoo:香皂)，就是伊逐工全勤兼無遲到的獎品。

彼工中晝，當阮庄裡的oo-ba-sáng (婦女) 攏咧睏晝的時，忽然間，放送車傳來一陣仔一陣會予 (hōo) 個遮的 ok-sàng (中年婦女之意) 歡喜的聲音：「e-晡逐家睏hoo 飽，相招來廟埕，日本『鐵力多律』 (the-li-tó-lih) 健康事業公司，欲佇貴寶地土地公廟口，做新產品發表會，阮有準備好禮欲相送，請逐家阿母招阿姨，隔壁招厝邊，三步做兩步行，免緊張、免驚惶.....。」無佻 (juā) 久，阮隔壁孀仔電話就giang--來，阮阿母恰伊一句來一句去，有講有笑，一目nih 煞無看見人影矣。

兩點鐘後，阮阿母手掙 (kuānn) 一罐沙拉油恰兩塊茶箍 (香皂)，沿路唱歌沿路行--入來，袂輸若拏 (khiò) 著金仔--咧，阮阿爸看--著，講：「啊無，你是咧著猴--是無？」阮阿母共伊應講：「eh！佻某今仔日替你趁一罐沙拉油猶閣遮 (tsia) 兩塊茶箍呢！」阮阿爸心內真懷疑，講：「騙siáu 的！天跤下呔 (thài) 有彼號食無料--的，你就毋通貪心趁 (nng) 雞籠--噢！」阮阿母講：「我才無咧像阿花仔遐戇 (hiah gōng) 閣，予人按呢一下鼓舞，就提一千共伊買健康手環，講啥乜 (mih) 比市價閣較俗八百箍，彼明明就是歹銅舊錫嘛！」阮阿爸共伊應講：「知影就好，你目睭就擘 (peh) 較金--咧hānn！」

隔轉日，當阮規家伙仔攏咧看電視的時，阮阿母繕 (hâ) 一條比『超人』閣較大條的腰帶，佇阮逐个 (tāk-ê) 的面頭前展啊展，阮阿爸頭幌 (hàinn) 一下，講：「戇查某！」阮阿母講：「無啊！你是咧幌啥乜 (mih) 頭啊？這是健康腰帶呢！市面上至少著愛四千箍呢，我共伊出價，兩千五就買--著矣，我腰痠背痛tsit-má 有救--矣啦！」阮阿爸頭全款一直幌，尾仔講：「好啦！這就準做是你上健康大學的學費啦！」。

(約720字)